

精

忠

記

卷

之

七

精忠記

古本戲曲叢刊初集

古本戲曲叢刊編刊委
員會景印長樂鄭氏藏
汲古閣刊本原書版高
二十公分寬十三公分

精忠記目錄

卷上

第一齣

提綱

第二齣

賞春

第三齣

猾虜

第四齣

應詔

第五齣

爭裁

第六齣

餞別

第七齣

驕虜

第八齣

勝敵

第九齣

臨湖

第十齣

叩馬

第十一齣

蠟書

第十二齣

班師

第十三齣

兆夢

第十四齣

說偈

第十五齣

省母

第十六齣

掛冠

目終

精忠記上

第一齣

末上

滿庭芳南渡功臣中興良將平金奮志驅兵太師
秦檜主和議奸佞朝廷屢詔班師東窓下與夫人
設計陷害岳家父子屈死非刑更堪憐墮井銀瓶
那秦丞相被冤冤迷弄心疑忌往靈隱去齋僧遇
葉守一從頭點化報應甚分明方顯忠良讒佞干
古謾評論

金兀术突走三關

葉守一揭出供案

田思忠僞詔班師

秦丞相東窓事犯

第二齣

生上

女冠子怒髮衝冠丹心貫日仰天懷抱激烈功成
汗馬枕戈眠月殺金酋伏首駕長車踏破賀蘭山
缺空怨絕待把山河重整那時朝金闕鷓鴣天筆

底龍蛇走篆虫胸中豪氣貫長虹五車經史藏

心腹百萬貔貅掌握中心胆壯氣英雄雲臺麟

閣豈難逢從今且養凌雲志聽取春雷上九重

下官姓岳名飛字鵬舉本貢涇州湯陰人也自
古建都之地賢人隱跡之鄉粵自夏河亶甲迁
鼎于此嗣後秦強楚霸定盟于茲韓忠獻文武
全才杜正倫一門三秀俗尚英雄之習諳通詩
禮之風何幸吾身生長于此地吾乃博通六藝
兼覽百家學射周同受制張俊春秋褒貶吾欲
考其二百四十年之昭鑒左傳名家吾欲覈其
一十六年之沿革當今蠻夷滑夏邊界驚惶宋
室南遷二帝有蒙塵之耻舉族北轅諸臣無靖

難之功竭力事親乃爲子職之本分盡忠報國
寡爲臣道之當然若欲移孝爲忠便可尙存匡
復飢食胡虜肉方稱吾心渴飲月支血始遂吾
意正是遇難獨當天下事功成却進手中籌今
日且喜天氣清明對此春光不免請夫人小姐
一同賞玩多少是好院子何在

末上

翠竹珠簾

映畫堂氤氲風動玉爐香滿園桃李爭春笑唯
有東君得主張老爺有何鈞旨

三

傳話後堂請

夫人小姐出來賞春

末

領鈞旨

上

請介老旦小旦

凌波仙子日長風靜重門掩人意懶捲珠簾雙飛

紫燕語呢喃出門花似錦春意浩無邊

眾相見介

老旦

相公呼喚妾身出來有何事幹

生

夫人今

日且喜天氣清明下官欲對此春光同夫人玩

賞

老旦

既要賞春何不喚岳雲張憲一同賞玩

生

早上已差孩兒們往教場中演習人馬故此

不在

老旦

既不在女孩兒把盞

小旦

將酒過來

錦堂月麗日開晴和風扇暖春來景物偏奇家國
安寧開筵正好歡會邊庭上烽火無警朝野內干

戈豪哉

合

今朝裡幸喜豪傑崢嶸際遇明時

前腔

老旦

佳致花柳芳菲人生有幾開懷暢飲休

辭怕綠髮成絲朱顏易改堪悲當此際骨肉團圓

莫負却韶光明媚

合前

前腔

生

欣遇國祚雍熙時和歲稔居安豈可忘危

寶劒長磨忠肝義膽誰敵直待要掃蕩胡塵方遂

我平生豪氣

合前

前腔

衆

桃李色映金卮香生羅綺花前鶯燕子飛

夫婦和諧休誇琴瑟調宜愿百年奕葉傳芳好兒

孫箕裘相繼

合前

醉翁子

生

何須舞柘枝歌翻金縷靄和氣一門長

幼無虞莫辭重整金罍盡醉方歸興有餘

合前

僥僥令

衆

輕風翻翠幙瑞靄噴金猊唯愿三邊皆

寧靜四海樂昇平全盛時

尾聲花姿柳態皆春意歌舞留人日又西沉醉後

管絃聲細

薄水開筵對景正芳菲
風送清香入酒卮

自古算來皆是命

不如快樂得便宜

第三齣

淨上

新水令平生膽氣最剛強敢把南朝壓量俺喫的
是滑禿禿美酪酥瓊帳裡醉臥好風光俺將大宋
呵攪擾的地亂天荒端的是人強馬壯曲袖飄飄
舞茵紗駱駝躑躑弄琵琶雪花舞處多黃雁天
漢垂邊見白沙獵射場中騎劣馬旌旗影裡閃
飛鴉人人都唱昇平調兀的不是女直邦中第
一家俺祖女直部落節度使烏古回達子刻鉢
里俺這裡白山黑水因避大遼興宗之諱改號

曰大金俺大哥哥哥炎寒太子二哥荅達郎君第
三個五花公主則俺是完顏量兀术四太子是
也自從俺平了遼宋得了汴梁河南康王泥馬
渡江去到臨安建都他手下新得四將內有一
將姓岳名飛此人有萬夫不當之勇兩個孩兒
岳雲張憲部將王貴牛皋出入陣中所向無敵
今有打探的來報說此人統領大兵要收河北
之地不免叫副將禿忽沒哈迷赤金吾魯等出

來商議衆小番何在

衆上

風檢才番將叢中第一誰人及得俺武藝不論鞭
簡與撾撻氊帳裡細牛蹄閑來時打臂石我們番
將實是乖慣吃牛肉不持齋孩子都在馬上養
長大都叫虎喇孩見介淨把都今有南朝一將
姓岳名飛此人有萬夫不當之勇統領大兵前
來要收復河北之地你們與我整理鉄浮圖磅
子馬上前迎敵听我分付衆介

包子令號令嚴明不可違不可違修緝邊寨震天
威震天威倘有敵兵來到此殺交一陣血淋漓

合

用心機晨昏操守莫稽遲

前腔

衆

元帥威名震邊陲震邊陲建功立業在須

臬在須臾旦夕巡哨防奸細小心前去聽施爲

合

腰間寶劒血模糊

殺取南朝片甲無

身後欲求生富貴

眼前須下死工夫

第四齣

生上

菊花新賞春宴罷醉顏酡蜀錦征袍喜暫脫兵甲

洗天河待一統中原方可勇出萬人敵威風不可

當功因多難立身爲太平閑昨日分付兩個孩